

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسکمزہ موافق آثار قبول اولنور.
درج ایدلین اوراق اعاده اولماز.

مجله ادب و فن

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلتمق شرطیله ۴۰، طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلمری نشر اولنور ادبی، فنی و صناعی غزته در

نسخه سی ۱ غروش

متحصل احتساباتك اشتدادينه كوره - بعض احواله مضر اوله بيلير. مع مافيه تدريجي واعتدالي اولان برتحول اعتيادك حياتنه مانع اولماديني بديهيدر. شمدي به قدر حيواناته مخصوص برحال كي عدايدلمش اولان علل وامراضك نباتاتدهده ظهور ايتديكي آكللا- شلمشدر. نباتاتده كورولن برحال مرضي ونتايحي تشكلات حيوانيهده اولديني كي عيني آثاره باعث اولور: حمالنده بو- لنان بر نباتده عصاره نك دوراني اشتداد ياخود بطائث كسب ايدر؛ برخسته لغه اوضرا- يان نباتاتك ياپراق وداللي وقتندن اول صاراروب سقوط ايلر. بتون بو حداثات نباتاتده بر قابليت حسك وجوديني اثباته كافيدر.

ع . ك .

برسيامك اوراق متفرقه سنده :

ماجلان بوغازي

نيسانك يكرمي ايكنجي كوني بن كمينك كوكرته سنده چيقدنغ ائنده كونس، سطح درياهه انشاريله اطرافي قويو و حزين بررنكه غرق ايدن قالين برسياس آراسندن طلوع ايتكمده ايدى.

راكد دكر سرعته قطع مسافه ايدن كمينك اطرافنده چالقا نيور ايدى. دكر ك يوزى بركون اول مالك اولديني مائى رنك يرينه قره نك ياقين اولديني اياما ايدن قويو يشيل بررنك احراز ايتمىدى.

ماجلان بوغازينك مدخلنى تشكيل ايدن، فوق افقده بركى شكلنده نمايان اولان (قاب دوويه رضى) يي كچمش ايدك.

صباحك سيسي آراسنده اوزاقدن اوزاغه آلاق وقومسال بعض اراضى كوچ حال ايله سچيلوردى.

ساحلده برچوق قوش سورولرى او- چوشه رق بيكلرجه بياض نقطه لر تشكيل ايتكمده ياخود سطح بحرده جابجا كنش و سياه زمينلر عرض ايدن نباتات كومه لرى اوزرينه يوزلرجه سى بردن قونوب بزم تقرمى حس ايدر ايتمز قوجه دائره لر رسم ايدرك اوچوشمده ايديلر.

بزايلا يلدكه ساحلك هياتى دكيشيور، طوپراق يوكسه ليور و بعض نباتات ايله ترين ايلور ايدى. برطاقم ته جكلر بربرى آرقه سنده ديزيله رك افقده يشيل يشيل موجه لر تشكيل ايتكدن صوكره سحاب مينافام آراسنده قاريشوب كيتكمده ايدى.

ماجلان بوغازينه ايلك ورودمزده (غره غورى) كورفزينه كيروب آقشام ساعت درت بجهه دوغرو لئكرانداز اولدق.

كورفز صيق وجسيم اورمانلرله مزين و بر نصف دائره شكلنده دكره دوغرو مقابل ته لره محدود و محاطدر. جانب يسارنده كنش بر آچقلىقدن بر طبقه حضراى كياه ايله مفروش و ضياى شمسه معروض برچنزار نمودار اولور. كورفزه كيرديكمز زمان كونس خطوط جبالك آرقه طرفندن ذروه تلالي تنوير و بر خط زرین ايله تذهيب ايدرك غروب ايتكمده، ديكر جهتندن ده كورفزه داخلنى كولكلر استيلا ايله بر آينه كى صناف و مجلا اولان سطح دريا معدنى و سياهسى بررنكه بويانمده ايدى.

برده ظلمائى ليل اورته لنى تدريجاً ستر ايدنيور و بر سكوت مهيب حكمفرما اوليوردى. آره صيره سرعته كچن بر قوشك قالين صداسى اوسكوتى اخلال ايدر ايدى.

بز كوكرتهده موضوع ياستقلره طايا- نه رق ساكتانه اطرافي تماشا ايدنيوردق.

ايرتسى كوني جنوبى آمه ريقانك الك صوك شهرى عد اولنان (پونتا آرنا) به واصل اولدق. ساحلده بر ايكي كنى دمير

اوستنده طور مقده و براسكى صال اوزرنده شيلي حكومتك مى بانديرسى تموجنا اولمده ايدى. بوراده خفيف سفاينك ياناشمه سنده مساعد كنش بر ريتخم موجوددر.

ظاهرده حقير كورينان بو كوچك شهر كاملاً احشاش اوله رق انشا اولمشدر. اسويچره كوشكلرني اكدير رتميز و ظريف بعض خانه لرى ده واردر. اوته سنده بريسنده مشهود اولان مربع الشكل خالى عرصه لر آتياً انشا اولنه جق بناله تخصيص ايدلمكده، ياخود باغ و بوستانلره كرسته ده پولرني حاوى بولتمدهدر.

كرسته و معدن كمورى ايله قويون واينك قبيلندن مواشى مملكيتك باشچيه منابع ثروت و تجارتندن معدوددر.

ايرته سى كون صباحه قدر (پونتا آرنا) ده قالمشديق. عزيمتزدن برقاج ساعت صوكره اوراده مدهش بروقه ظهور ايتمش.

اون بش كون مقدم قرووازورمز (مونه و يده نو) ده بولندينى ائنده يوز قدر طائفه يي حامل اولوب بحر محيط كيبره طوغرو توجه سكان عزيمت ايدن بر انكليز كهيسنه تصادف ايتمش و ايكي سفينه خلق بر بريزه ايفاي زيارته (والپاره زو) ده اعاده ملاقاته قرار و يرمش ايدك.

بو سفينه جزدن يكرمى درت ساعت صوكره (مونه و يده نو) دن فك لئكر اقامت ايدوب بز (پونتا آرنا) دن آيرلدقن برقاج ساعت صوكرهده اورايه مواصلت ايتمش ايتمش.

توقفندن بر چاريك صوكره سفينه قوميسرى برشيلي قاينه راكباً ساحله ياناشدينى صيرهده مدهش ير باتيردى املرافه ولوله انداز اوله رق بتون شهرى لر زما نك ايتمش و برطاقم قيرتيلر اورته لغه صاچلمشدر. كمى ياره نه رق طافه و حوله سيله برابر برقاج دقيقه ظرفنده كمال دهشت و هيبتله غرق و نابيد اولمشدر.

قوميسر ايله بش كشيدن ماعدا طاء

نفسه نك كافهسى بوحادثه نا كهانیده كرداب
ممانه دوشمشلر. بز بوخبری (والپاره زو) ده
آلدق .

کیمیز ایلریلدکجه بوغاز طارلاشمقده
ومنظره کیتدکجه وحشت کسب ایتمکده ایدی.
صیق اورمانلر ایله مستور و محاط
اولان تپه لری، قیرمزی بر یوصون ایله
مفروش، یاخود سیاه قایلردن متشکل صرب
طاغلر تعقیب ایدیور؛ یوکسک زروهرده کی
قارلر سمانک رنک لاجوردیسیله امتزاج
ایده رک کوزل بر منظره حصوله کتیریوردی.
بوانساده بر قایق کوروندی. ایچنده بر قاق
کشی آیاقدی طوروب بردکنکک اوجنه ربط
ایتمش اولدقلری پاچاوره بی صالایورلردی.
قایغک تقریبه انتظار آتوقف ایتمک .

قایق خلقی برارکک ایله اوچ قادیندن
عبارت ایدی. روزکار سرت اسمکده بولمقله
برابر بونلر البسه دن غاری اوله رق یالکر
اوزون توپلی برکیک دریسنی بللرینک
اطرافنه قوشا تمش لردی. بندلری ضعیف،
باشلری بیوک، یوزلری اکلی، آغیزلری
کنیش، بورونلری باصیق، صاچلری اوزون
دیک وپارلاق اولوب را کب اولدقلری طار
صندالک ایچنده پا طردی ایتمکده و طوربه
وطولوملرینی اوزاته رق غالته وتوتون ایسته.
مکده ایدیلر. تخمیناً بش مترو طولنده و بر
مترو عرضنده اولان قایقلری بربرینه
دیکلش آبی بالغی دریسیله آغاج قابوغندن
انشا اولغش کبی کورینیوردی .

قایغک اوزته سنده بر قاق پارچه اودون
توتمکده ایدی. یره چوملش اولان برقادین
چیر چیلایق بر چوجوغی طولوم ایچنده
طوتمقده و قیر صاچلی بر اختیار مستعمل،
کیرلی و اوزون بر کورک ایله اوموزلرینی
اورتمکده ایدی. بر قاق آوچ توتون و بر قاق
دانه پکستاقی محکوک کیمکدن معمول بر قاق

مزراق باشی و بر ایکی فنا دری ایله مبادله
ایتمکدن صوکره وحشیلری ترک ایدهرک
یولزه دوام ایدک. مرقوملر آرقه مزدن
باغیریشوب کولوشمکده ایدیلر .

روزکار سرین سرین اسمکده، مظل
و جسم بولوطلر قبه سواده پرواز ایتمکده
ایدی. اوزاقدن بر طاق مرتفع طاغلر قارلی
تپه لرینی نظر تماشا یه عرض ایدیور، اطرا
فزده بولنان جبالک ذروه لری کشف بولوطلر
آراسنده کاه غائب وکاه ظاهر اولیوردی.

۲۵ نیشان — یاغور فورطنه لری ایله
قاریشیق بوز کبی بر روزکار خلاطلرک آرا
سندن ایکلهرک کچمکده و یوزلر مزی قاصحیلار
مقدمه ایدی. فقط منظره پک عظمتلی
اولدیغندن هیچ بر مز کوکرته دن آریله میوردق.
بیاض کوپوک شلاله لری طرف طرف
قایالرک اوزرندن دوکولیور، طاغلر قارلی
تپه لریله هر جهتن عرض دیدار ایلیوردی.
بر طرفده دیک بر (غرایت) قایاسی
یکپاره بر حصار کبی یوکسککده؛ دیگر طرفدن
بر بوغاز پیش نظرده غیب اولوب کیتمکده؛
بعضاً بر اورمانک قویو یشیل رنکی ایله بر قوی
یکدیگرینه قاریشقمده؛ بعضاً ده بر برون دیک
بر قایا حالنده کینک کدرکاهنی سد ایتمکده،
یاخود قیرمزی میوه لری حامل آغاجلره
مستور بر اووا شکلنده امتداد ایلمکده
ایدی .

کونش بولوطلرک آراسندن وقت وقت
تجلی ایدهرک اورتلنی یکدیگر یله نسبت قبول
ایتمز بر درجده کاه بر لمعه تابانه وکاه بر ظل
کشف ظلمت نشانه مستغرق ایتمکله برابر در حال
زیر ابر توار ییه صوقولیور، بر طرفدن ده
پرده باران ایله مستور اولان بقاع فردوس نشان
حزین، یکشمق و سنجابی بر رنک اکستاب
ایلیور ایدی .

صباحلین ینه بر قایغک بز طوغرو

ایلر یلمکده اولدیغی کورولدیکندن ماکنه
طوردیر یله رق قایغک یاناشمه سینه مساعده
اولندی. بو قایقده اوچ قادینه یرارکک وار
ایدی. بونلر آوروپالی البسه سی پارچه لری
یاخود کیرلی و یا مالی حیوان دیر یله ستر
وجود ایدیورلردی. قایغک دروننده یانان
آتش محافظه خدمتیه موظف کبی کورونن
واوزون صاچلری کیرلی باقیر رنکده بو
روشوق چهره سینه سربلش اولان بر اختیار
قادین متردد بر نظرله بز سوزیور و آره
صیره صیرتیور ایدی .

یکرمی یاشلرنده تخمین اولنان دیگر
برقادین طفلانه بر صدا ایله النی بز طوغرو
اوزاته رق توتون ایسته یوردی. بوقادین البسه
اوله رق کول رنکده غایت فرسوده بر یا طو
اکتسا ایتمش و کوکسک دوکملرینی صیقی
صیقی ایلمکله مش ایدی. البسه سنک طارلنی
کوده سی وقایناقلریله متناسب اولمان ضعیف
قول و باجاقلرینی بسبتون میدانه قویوردی.
اوزون توپلی، قیر نکلی ایری و ضعیف
بر کوپکده سیوری بروقی بز طوغرو
اوزاتیور ایدی .

آندیغز بر قاق پکستاقی یره دوشمندن
قاپشیدیلر. بونی متعاقب کندیلرینه چوبوق
اوزاتدق. ارککلری کمال حرص واشتمایله
بر قاق نفس چکوب قادیلره تقدیم ایتدی .
آنلرده ایچیدیلر.

اوزمان قادیلردن بریسی کویا فرط
نشاط و انبساطی اعلان ایچون آهسته برادا،
قالین وقلی بر صدا ایله نغمه پرداز اولغنه
باشلادی .

اوکلهدن اوچ ساعت صوکره (بورژا)
قوینده دمیرله دک. بر صیق اورمان کورفزی
قوشا تمش و تموجات متوالیه ایله دیک بر یو
قوش هیاتنده یوقاری یه طوغرو امتداد
ایتمکده بولغش ایدی. اورمانک جهت یمین

ویسارنده ایکی کوچک ایرماق تشکیل
ایتدکاری مجرالردن چاغلدیلرله سیلان
وساحله کی چاقل طاشلری اوزرندن مرور
وجریان ایدرهك دکره منصب اولورلردی.

بز قرهیه چیقدق. ساحله صوبك
صاف و براق اولدیغندن قعردریاده نشوونما
بولوب کنیش واکلی یاپراقلری صوبك
یوزنده متوج و منبسط اولان نباتات بحریه یی
یدی، سکر مترولق بدرینلکدن پك آشکار
برصورتده کورمکده ایدک.

ساحل بحر، امواجك یووارلایوب
بریکدیرمش اولدیغی ایری چاقل طاشلریله
مستوردر. بر آز اوتده برته چك اوزرنده
واقع قالین بر آغاجه بر طاقم تحتہ پارچهلری
چیویلنرهك اوستنه بو طرفله اجرای سیر
وسفر ایتیش اولان سفائنك اسملری حك
ایندلشدز. اومیانده پروسیه قوروقی (ایزبات)،
(و(بسمارق)، آلمان سفائنندن (پرنس آدالبر)
ایله برطاقم انکلیز کیلرینك اسملری کورلور.
قوبك دیگر جهتنده باشقه بر آغاجك اوزرنده
(هوسار)، (گیشن) وسائر کچی برچوق
فرانسز سفائنی اسملری مسطوردر. بزم
کینک اسمنی ده بونلرک یانه علاوه ایتدک.

چاللیق آراسنده آچلش اولان اینجه
بریولان چیقمقده ایکن یولك اورتہ سنده
برتابوت تحتہ سی کوردهك توقف ایتدک. بر
مزار آچلش، شوراده بوراده برقاچ کیمک
ایله برطاقم البسه قرپنتیسی ودها اوتده
یاغموردن ایصلانمش ینه بعض کیمکلر کو.
رنمکده بوتاش ایدی.

اورمانك ایچریلرینه پك زحمتله کیریلور.
دی. قیریق یابراق و دال ییغینلردن متشکل
برزمین آباق باصلدقچه چوکرک انسان
دیزینه قدر باتیور، چورومش ویوصونلانش
آغاج کوتوکاری یولی سد ایدیور؛ دیکنلی
چالیلر بر برینه التصاق ایتش؛ هر طرفده
حتی آیاقلر مژك آلتده صو چاغلدیلری

ایشیدیلور. قانادلرینی صویه چارپهرق او.
چوشان برقاچ بیوک اوردک مستمتنا طوتلدیغی
حاله اطرافده هیچ بر ذی حیات اثری کو.
رلیور ایدی.

ایرته سی کون یولزه دوام ایتدیکمز
صیره ده اینجه وسورکلی بریاغمور آلی.
آرہ صیره فورطنه روزکارلری اسرهك یاغمور
موقتاً منقطع اولوردی.

بو وحشی و مدھش منظره اوکنده برحزن
غریبانه قلبی استیلا ایدردی.

صباحلین ساعت طقوزده ایلك دفعه
اوله رق بر بوز ییغنتیسی کوردک. مرتفع
برطاقی احاطه ایدن قارلرک اورتہ سنده
یشیله مائل مائی بررنکده وشفاف بر لکه
نمودار ایدی. دوربین ایله باقیلنجه بولکه بر
فورطنه انناسنده یکدیگرلره چارپیشان طالغدر
بربری اوستنه ییغلمش اوفاق بوز پارچهلرندن
متحصل بر کومه شکنده مرئی اولوردی.
معدد آبی بالیغی سورولری سفینه مزه پك
قرب برمسافدن صیچرایهرق کچدکاری کی
ایکی بالینه بالیغی برونلردن صو پوسکورهك
برمدت بزی تعقیب ایتدیلر. نيسانك یکر می
یدنجی کونی بوغازده کچریدیکمز صو ك کون
ایدی. ساحل کیتدکجه آچالور وکویا بربری
ایچنه طولانمش سیاه و قورو قایالردن متشکل
برمغاره شکلی آلیوردی.

ماجلان بوغازینك خرجیده بر آز
مدخلنی آکدیرر. ایکی طرف ساحلی
تدریجاً بر بزدن آریله رق سیس یاخود
یاغمور پردلری آلتدن پك مشکوک بر
صورتده مشاهده اولیور ایدی. نهایت
بوغازدن چیقوب شماله طوغرو توجه ایدرهك
(پاناغونیا) قطعه سنك سمت غریبسی احاطه
ایدن جزائرک اورتہ سنه صابدق.

۳۰ نisan — یاغمور، روزکار و طولو

شدتله اجرای حکم ایدرهك بعضاً یولزی
تمامیله قاپاتیور. بعضاده روزکار سکوتیاب
اوله رق بر آز هواده کشایش کورولور.
ایشته اوزمان کندیمزی یالچین صیرتلردن
نهرلر جاری وعموداً ذکره طوغرو نازل
برطاقم جسم قایالره محاط طار بر بوغازده
بولیورز. بو قایالرک آرقه سندن تپهلری بر فله
مستور ودها مرتفع برسسله ظاهر اولور.
برطرفده بیاضلی ایله کوزلری قاماشدیر
برشاهقدر یوکسلور؛ اوتہ طرفده تصویری
ناقابل بوز ییغنتیلری نظر ربای حیرت اولور.
بونلر میانده (سارمیه نتو) اسمیله معروف
اولان بوز ییغنتیسی ضیایی شدیداً عکس
ایتدیرهك موقعه پوسلو بر درجه انجلا بجنش
اولور.

هوانك مخالفتدن طولایی اوتوز آلتی
ساعت دروننده توقفه مجبور اولدیغمز
(پورٹو-بوتونو) لیمانه بزمه برابر بر فرقه ده
(فونڈیہن) لر یاناشدی؛ بو فرقه سکر ارکک،
درت قادین، واون چو جوقدن مرکب ایدی.
قضازده برسفینه نك ترتیاسندن اوله سی
مأمول بولنان بر بیوک صندال دروننده یاغمور
وروزکارک تأثیر وتضییق ایله اطرافنه —
طوپلانوب کال دقتله محافظه چالیشدقلری
— برضعیف آتسه ایکیلرهك زانغیر زانغیر
تیتره یورلردی. بیچاره لر کاملاً چیپلاق ایدیلر.
ارککلره چو جوقلر بزم کچی یه چیقوب
قادینلر صندالده قالدی. بونلرکده شکل
ویقافتی اولجه کوردکار مزککنه عینله مشابه
ایدی: قول و باجاقلری ضعیف، بدنلری
اتلی، انسجه شحمیلری اولدقچه قوی، قارنلری
سمیز و چیقنتیلی، آباق و اللری کوچک،
باشلری مدور، یوزلری اکلی، برونلری
باصیق، دوداقلری قالین واکثریا دیشلری
چوروك و بوزوق، یاناقلری شیشکین، آچاق
وطار جهلری آلتده مضطربانه و وحشیانه

برطرز ايله متحرك اولان كوزلرى كوچك
والحاصل اجناس بشرك ادنى صنفندن صا-
ييلغه لايق بر قوم اولدقلىنه كندى حاللىرى
شاهد ايدى. دوداق وچكلىرنده اورپرمش
اولان بر ايكي تويدين ماعدا صقال ويديق
دينه جك برشى يوقدى .

كلماتك كافه سى حروف صوتيه دن
مركب ظن اولنه جق درجه ده كسكين، آهنگلى
برلسان تكلم ايلورلردى .

كوكرته ده كرنكلى ائنده برييه جك
كورنجه يانه قوشوشوب — طياق قورقو-
سندن ايستديكى شينه ياقلاشه ميان آج كلبلىر كې
— اطرافنده طولاشيرلر ايدى. اوشودكجه
واپورك اوجاقلرنده ايصينورلر و باشلىرى
لومبار قاپاغنىك اوستندن اوزاتوب ماكنه دن
انتشار ايدن صيحاقت دومانى يوتمه چاليشيرلر
ايدى .

واپورك ايچنده طولاشه رق بورادن
بركميك، اوتهدن بر پكسات، بریدن بر آووج
توتون قاپارلر؛ كمييلرده بو حاللىنه باقوب
قهقهه ايله كولوشور ولطيفه يوللو آنلرى
ايتوب قاقارلردى.

چوجوقلر متصل كوكرته دن صنداله
كيروب چيغمقده و غيتملىرى قاديلىرله يينلرنده
تقسيم، ياخود بريه وضع ايدوب حفظ
ايلسكه ايديلر .

سرت آرزوسى طبيعتلىنه غلبه
ايتديكندن كيسه نك كنديليرنى كورميه جكنه
امين اولدقلى زمان آشيره بيلدكلى اوراق
تفك شيلرى ائوابلرنيك آلتته صاقلارلر ايدى.
آقشام اوستى كيمزدن براسكى يانطو-
لون، كيمزدن بر پالطو، كيمزدن بر چفت
دليك قوندره آلدقلىرنن بزه بر آز آليشيديلر.
آرالرنده كورلتيله قونوشورلر و هر كولدكجه
آغزلىرى قولاقلىنه قدر آچيورلردى .

اوكله دن صوكره، كيمزك قربندن
بر قايق مرور ايتمش، فقط توقف ايتماشيدى.

ايچنده حيوان دريسيله مستور اوچ قادين،
وسياهه بويانمش اوچ چيلاق ارلك بولنيور
ايدى. بلكه ده بونلر بر حرب سفرى اجرا
ايتك اوزره يوله چيغمشلىر ايدى .

۰

۲ ميس — دون و بوكون ياغمور
دوام ايدهرك افق همان كاملا ستر ايتدى .
هرايكي ساحلدن كذر كا همزى قوشادير كې
كورونن طاغ وقايلارك سياه وكنيش كولسكه-
لرني مشاهده ايدسيوردق .

آره صيره، هوايى احاطه ايدن بوس
بيوك بياض چيزكيلرله تلون ايدردى. بوده
قيايلرك صيرتلرندن سيلان ايدن بياض كوپوكلو
شلاله لردن عبارت ايدى .

بوكون (غراپه لر) لياننده لئكر انداز
اولدق. ساحل اوزرنده و تخميناً اوچ يوز
مترولق بر مسافه ده يكرمى قدر (قوتئين)ك
كيدوب كلديكى و اوچ درت كلبه دن كشيغ
بردومان چيقدليغنى مشاهده ايتدك. قرميه
چيقدليغمزده ساحله ارلك، قادين، چوجوق
اوله رق قرق كشى بولدق. اوچ بيوك قايق
قييده چاقل طاشلى اوستنه چكلمش ايدى.
بر طرفدن بتون بو جمعيت بزم اطرافزه
طوپلاندى؛ بر طرفدن ده اون ايكي قدر
چقال صورتلى، سنجاى وسياه تويلو، اوزون
وسيورى برونلى كوپك وحشيانه عوعوله
ايله بزي استقبال ايتديلر .

كلبلر هر نوع دوكتيدن متشكل
وقالين مينديه قابوقلريله مستور اوراق تپه لر
اوزرنده انشا اولشمدر. بونلر آغاچ داللىرله
مدور الشكل و پك قابا اوله رق اوستلىرى
كليك ياخود آيى باليغى دريسيله اورتلش
وتپه لرنده دومان چيغميه مخصوص برر
دليك براغلمشدر. بزم حين تقربمزه چولوق
چوجوغك باشلىرى چيقاروب كمال تعجب
وحيرتله باقدقلىرى دليكلردن، دشيكلردن

روزكار وياغمور ايجريلرينه بول بول نفوذ
ايتمكده در .

ايلك تصادف ايتديكمز كلبه نك قايىنى
اوكنده اوچ قادين طوريورلردى: ايكيى
بالنسبه مليج الوجه وكنج اولوب شادكامانه
قهقهه لره مسرت قلىليرنى ابراز ايدسيور-
لردى. اوچنچيسى ضعيف، اوموزلرى بر
حيوان دريسيله مستور، بوروشوق ويومشاق
قارنى اوچ بوكوم اوله رق اولدقلىنه قدر
صارقش، قورقونج براختيار ايدى.

بو قادين حدتله حركتلر و اشارتلر
ايتمكده و بر دكنك اوزاده رق بزي تهديد
ايلسكه ايدى. كنديسنه ويرديكمز بر پارچه
غاله تا آنى اسكات ايتدى. ياننده كى قيزلر
ايلريله مزاحچون بزه اشارتلر ايدسيورلردى.
انلره بر چوق پكسات و يردك. حتى بر يمز
ايجلرندن برينه بر موسلين قوشاق ويردىكه
احتياج اقليه پك موافق ايدى .

قادين بو قوشاغى آير آلاز سوينجلى
برمايئون كې حايقيره رق بلنه باغلادى. ذاتاً
بتون ائوابى ده بوندن عبارت ايدى .

وحشيلر اطرافزى قوشاتوب بزه
سمور، كيك ياخود آيى باليغى دريسى، تيلكى
قفاسى وكميكدن معمول ايشلله بعض سلاجلر
كوسترلر ايدى.

حتى بزمه او درجه ده انسيت حاصل
ايتديلر كه البسه مزى طوتوب بر برلرينه
كوسترلر و يكديكري نك يوزينه باقيشه رق
معنيدار بر صورته بعض سوزلر سويلرلر
ايدى .

فقط بو ائنده ايچمزدن پ ... بعتة
بر تفك بوشالتدى.

اطرافزده بولنانلر در حال باغريشه رق
قاجيشيديلر. كلبلرك دليكلرى، دهشتدن
اورپرمش و كنديليرنى صغوقدن محفوظ
طوتان طبقه شحميه ايله مستور بولنان سيمالىرى
قورقودن صارارمش بر چوق باش ايله طولدى.

صوكره طاقديغمز طور ووضعت وحشيلره امنيتهجش اولديغندن قورقه قورقه ينه يانمز كلديلر .

بزم صوك تصادف ايتديكمز (قونه زين) لر ايشته بونلر اولدى .

۵ مایس — اورمانلره مستور كوچك جزيره لردن متشكل بر بوغازده يولمز ده دوام ایدیورز. بوراده كرتله كوريلان قره باطاق، اوردك ودها سائر قوشلر بز كنديلرينه تقرب ايدر ايتمز اوركوب قاجيورلر .

سفینه مزك كيرمش اولديغي قانال بعضاً اوقدر طارلاشيوركه انجق ايكي كهي يان يانه كچه بيلير . بعض يرلرده ديركارمز عادتاً ساد حلد بولنان اشجاره سورونيور .

اوكنندن مرور ايتكمده اولديغمز (ايساس - سوند) ساحه منجمده سي اوزرنده نظر آله بيلديكنه امتداد ايدر .

آقشام ساعت آتیه طوغر و قانال لردن چقيوردق . جسيم طالغالر دهشتلی بر صورتده كهي يالپا ايتديرييور، برتندباد عظيمك سوق مقاومت بر اندازانه سيله بولولطر بتون بر نقطه ده تراكم ایدیيوردي . طالغالر كهي يي حزين حزين چاترداتيور؛ او قوجه تكنه تير تير تيريوردی . بحر محيط كيره مدهش بر فورطنه ايچنده داخل اولدق !

مسین دانسه

کوی حکیمی

(مابعد)

دوشورمه سی : — سولوكار تقریباً ياریم ساعت قالدقندن صوكره كندی كندینه دوشر ايسه ده شاید دوشمه سی ده زياده تاخر ايده جك اولور ايسه باشلرينه بر آز

طوز اتمك ياخود بردامله شراب داملاقم و صوكره قويروقلرندن طوتوب چكمك صورتيله بالالترام دوشورمك لازمدر .

سيلان دمك تمديدی : — سولوكار دوشدكدن صوكره وجوددن ده قان چيقارلق مطلوب ايسه بونلرک مص ايتدکاری محلك اوزري صيحا صويه باتيرلمش برسونكر ايله ييقانوب صوكره ملين بر لابه ايله ستر ايدمله ليدر .

سيلانی قطع اتمك (دينديرمك) : — زياده دم سيلانی خصوصيله چوجوقلر ايچون ضعفی موجب اوله جنی جهتله بونك اوكنی آلق لازمه دن اولوب بونك ايچون ده سو- لوكارك حصوله كتيردکاری ياره لر اوزرينه رچينه طوزينه باتيرلمش بر آز قاو طلاشی ياخود يومشاق قاو پارچه سی وضع ايدهرک اوزرينی بر مدت ال ايله باصديرمق وبونی قان دينجه يه قدر براقق ايجاب ايدر . اگر بوتدير کافی کلز ايسه مذکور سولوك ياره- لرينك اوزرينه پارماقلا ره باصلوب و آراصره پارماقلا رفع ايله قانك دينوب دينه ديكي تفتيش اولنوب بوصورته سيلان قالمانيجه يه قدر دوام اولمه ليدر . شاید بوتدير دخي موفقيتهجش اوله مازسه ياره نك بولنديغي محلد دري يي حميز، قيصقاج كهي برشی اعانه سيله طوتوب صيقمه ايدر .

سولوك ياييشديريلان يرلری ييقامق : — سولوك ياييشديريلان محللرده بعضاً فوق العاده بر تخرش حاصل اولور . بونی دفع اتمك ايچون سولوكار دوشدكدن صوكره، ياره محللرينی، ياری صو ياری شراب قاتلق صورتيله استحصال ايديله جك محلوله ايصال- دلش سونكرله ييقامه ليدر .

سولوكارك تكرار استعماله صالح بر حاله كتيرمه سی : — سولوكار بر كره ياييشديريلدقندن صوكره تكرار استعمال ايچون محافظه ايدملك ايسته نيدير ايسه بونلرک مص ايتدکاری قانی

قی ايتديرمك ايجاب ايدر . بونك ايچون سولوكاری صوغوق كول اوزرينه وضع ايتمه ليدر . بونلر كول اوزرينه وضع ايديلير ايديلير امدکاری قانی دفع اتمكه باشلارلر؛ شاید بوصورته تماميله مطلوب حاصل اولماز ايسه قويروقلرندن طوتوب ال ايله باش طرفلرينه دوغرو خفيفه صيغامه لي وبو وجه ايله حاوی اولدقلى قان كاملاً طرد ايدمله ليدر . بعده دفعاتله صودرونه دالديروب دقتله ييقامه ليدر؛ زیرا وجودلری اوزرنده كول قاليرسه چابوق محو اولورلر . مع مافیه سولوكارك اكثری بعد الاستعمال چوق ياشايه ميوب بر قاچ كون ظرفنده اولور .

بركره استعمال اولنوب ده بيان اولنان اصول ايله مص ايتدکاری قان چيقارلمش اولان سولوكارك اسكي قوتلرينی بولملری ايكي اوج آی راحتته متوققدر؛ يعنی تكرار بر محله ياييشديرلىق ايچون اوقدر مدت چكمه سی اقتضا ايدر .



اوجنجی باب

— طبيعت مېلنی ايجاب ايدره احوال —

آتيده بيان وتعداد اولنه جق احوالده بر نتيجه وخيه ظهورينه محل ويرلمك اوزره بر طبيب حاذق معاونه شتاب و مراجعت اتمك لازمدر :

۱ — دوشمك، ياره نكم كهي احوالده، خسته فوق العاده مضطرب اولديغي واعضا- سندن برینی اوينا نه ماديغي زمان؛ (مابعدی وار)



شرکت مرتبه مطبعه سی مدیری : آر تين